



Broj: 05/1-50-13-312-7-3/15
Sarajevo, 18. 8. 2015.

ZAPISNIK

9. sjednice Nezavisnog odbora

Parlamentarne skupštine BiH

Sjednica je održana 18.8.2015., s početkom u 12 sati.

Sjednicu je sazvaio Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Žiko Krunić, predsjednik Nezavisnog odbora, Enes Obralija, prvi zamjenik predsjednika, Mato Jozić, drugi zamjenik predsjednika, Ilma Mehić - Jusufbašić, Adisa Begić, Nikola Džambas, Mate Miletić, Ljubomir Kuravica, članovi Nezavisnog odbora.

OPRAVDANO ODSUTNI: Miroslav Škorić, član.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu je pratila i Dijana Šatara, predstavница OHR-a.

Predsjednik Nezavisnog odbora Žiko Krunić konstatirao je da postoji kvorum za rad i otvorio 9. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Razmatranje Izvještaja o radu Nezavisnog odbora za 2014. godinu;
2. Verifikacija Akta Nezavisnog odbora, broj: 05/1-50-13-29-9-2,2h/15, od 4.8.2015., upućenog Vijeću ministara BiH i Ministarstvu sigurnosti BiH;
3. Razmatranje pritužbe i inicijative za pokretanje disciplinskog postupka broj: 01-34-3-4957/15, od 31.7.2015., dostavljene od ministra sigurnosti BiH, a zaprimljene u Parlamentarnoj skupštini 4.8.2015., broj: 05/1-04-1094/15;
4. Donošenje Odluke o raspisivanju Javnog konkursa za provođenje procedure odabira kandidata na poziciju direktora Državne agencije za istrage i zaštitu;
5. Tekuća pitanja.

Ad.1. Razmatranje Izvještaja o radu Nezavisnog odbora za 2014. godinu

Predsjednik Nezavisnog odbora otvorio je raspravu o predloženom Izvještaju o radu Nezavisnog odbora za 2014. godinu. Nakon detaljnog razmatranja, Nezavisni odbor je jednoglasno, uz određene dopune i ispravke, usvojio Izvještaj o radu Nezavisnog odbora za 2014. godinu i proslijedio ga Parlamentarnoj skupštini BiH na usvajanje.

Ad.2. Verifikacija Akta Nezavisnog odbora broj: 05/1-50-13-29-9-2,2h/15, od 4.8.2015., upućenog Vijeću ministara BiH i Ministarstvu sigurnosti BiH

U uvodu u ovu tačku dnevnog reda predsjednik Nezavisnog odbora Žiko Krunić informirao je članove Nezavisnog odbora da je 4.8.2015. bila zakazana 2. hitna sjednica Nezavisnog odbora Parlamentarne skupštine BiH kako bi se izjasnili o smjeni direktora Državne agencije za istrage i zaštitu. S obzirom na to da sjednica nije imala kvorum, a u skladu s Poslovníkom o radu Nezavisnog odbora i telefonskim izjašnjavanjem članova Nezavisnog odbora kojim su podržali Prijedlog ZA SMJENU direktora Državne agencije za istrage i zaštitu predsjednik je uputio Prijedlog za smjenu direktora Državne agencije za istrage i zaštitu Vijeću ministara BiH i Ministarstvu sigurnosti BiH a da će verifikacija akta uslijediti na prvoj narednoj sjednici.

Nakon kratke rasprave, članovi Nezavisnog odbora jednoglasno su verificirali akt Nezavisnog odbora broj: 05/1-50-13-29-9-2,2h/15, od 4.8.2015., upućen Vijeću ministara BiH i Ministarstvu sigurnosti BiH.

Ad.3. Razmatranje pritužbe i inicijative za pokretanje disciplinskog postupka broj: 01-34-3-4957/15, od 31.7.2015., dostavljene od ministra sigurnosti BiH, a zaprimljene u Parlamentarnoj skupštini BiH 4.8.2015., broj: 05/1-04-1094/15

U uvodu u ovu tačku dnevnog reda predsjednik Nezavisnog odbora Žiko Krunić informirao je članove Nezavisnog odbora da je neposredno pred početak sjednice stigao dopis Ministarstva sigurnosti BiH, broj 01-34-3-4957/15.1, od 17.8.2015., a zaprimljen u Parlamentarnoj skupštini BiH 18.8.2015., broj 05/1-04-1094-1/15, Inicijativa za smjenu direktora Direkcije za koordinaciju policijskih tijela BiH nakon čega je otvorio raspravu.

Za riječ se javio Mate Miletić, član Nezavisnog odbora. Naglasio je da je na zahtjev predsjednika Nezavisnog odbora tražena i dostavljena informacija Ministarstva sigurnosti BiH o događajima u Potočarima 11.7.2015. Ona se sastoji od dva dokumenta: informacije i dopune informacije i označena je oznakom TAJNOSTI i bit će predata nadležnoj komisiji Parlamentarne skupštine BiH koja je ovlaštena i certificirana od državnog sigurnosnog organa za čuvanje tajnih podataka u Parlamentarnoj skupštini BiH. Svi članovi Nezavisnog odbora koji žele da se upoznaju s tom informacijom mogu to učiniti samo u prostorijama

nadležne komisije uz potpisanu izjavu da su upoznati s propisima iz oblasti obrade tajnih podataka.

Nakon kratke rasprave a na prijedlog većine članova Nezavisnog odbora, jednoglasno je usvojen

ZAKLJUČAK

Članovi Nezavisnog odbora dužni su da izvrše uvid u pristiglu Informaciju Ministarstva sigurnosti BiH kao i Informaciju Direkcije za koordinaciju policijskih tijela BiH o događajima u Potočarima 11.7.2015., broj: 20-05/04-4-1380-171/14, od 30.7.2015., a protokolirane u Parlamentarnoj skupštini BiH 5.8.2015., broj: 05/1-04-1100/15, kako bi se nesmetano mogla održati sjednica Nezavisnog odbora na kojoj bi se raspravljalo o Inicijativi Ministarstva sigurnosti BiH za smjenu direktora Direkcije za koordinaciju policijskih tijela BiH, broj 01-34-3-4957/15.1, od 17.8.2015.

Dogovoreno je da se naredna sjednica Nezavisnog odbora održi 24.8.2015. s početkom u 13 sati.

Član Nezavisnog odbora Ljubomir Kuravica naglasio je još jednom da ostaje pri stavu od prošle sjednice Nezavisnog odbora da Mirsad Vilić, direktor Direkcije za koordinaciju policijskih tijela BiH, treba da bude smijenjen.

Ad.4. Donošenje Odluke o raspisivanju Javnog konkursa za provođenje procedure odabira kandidata na poziciju direktora Državne agencije za istrage i zaštitu

Nakon kratke rasprave, članovi Nezavisnog odbora jednoglasno su usvojili Odluku o raspisivanju Javnog konkursa za provođenje procedure odabira kandidata na poziciju direktora Državne agencije za istrage i zaštitu, te utvrdili tekst Javnog konkursa.

Javni konkurs bit će objavljen u „Službenom glasniku BiH“, „Službenom glasniku Brčko Distrikta BiH, u dnevnim novinama: „Oslobođenje“, „Glas Srpske“ i „Večernji list“, kao i na veb-stranici Parlamentarne skupštine BiH.

Ad. 5. Tekuća pitanja

U okviru ove tačke dnevnog reda nije bilo rasprave.

Predsjednik Nezavisnog odbora Žiko Krunić zaključio je sjednicu u 13.30 sati.

**SEKRETAR
NEZAVISNOG ODBORA**

Ivana Lovrić

**PREDSJEDNIK
NEZAVISNOG ODBORA**

Žiko Krunić